



## OBAVIJEST O OSTVARIVANJU PRAVA NA DJEČIJI DODATAK

Obavještavaju se građani grada Cazina da je na području Unsko-Sanskog kantona započela primjena zakonskih propisa vezano za ostvarivanjem prava na dječiji dodatak u skladu sa članom 1, 2, 3, 4 i 5 Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom ("Sl.glasnik USK", broj 15/2020). Navedenim odredbama određeno je da dodatak na djecu (dječiji dodatak) imaju djeca do navršene 15 godine života koja imaju prebivalište na Kantonu, koja se nalaze na redovnom školovanju i s obzirom na utvrđene mjesečne prihode po članu domaćinstva. Također je određeno da djeca do 15.godine, kod koje je utvrđen invaliditet u procentu od 90% ili 100%, ostvaruju navedeno pravo bez obzira na mjesečne prihode po članu domaćinstva. Određeno je i to da pravo na dječiji dodatak pripada porodici čiji mjesečni prihod po članu domaćinstva po svim osnovama ne prelazi iznos od 10% prosječne plate Kantona ostvarene u prethodnoj godini.

Iznos dječijeg dodatka utvrđen je Odlukom Vlade USK o iznosu dječijeg dodatka u Unsko-Sanskom kantonu u 2020.godine, broj 03-017-2061/2020 od 19.08.2020.godine, u visini od 3% prosječne plate Kantona ostvarene u prethodnoj godini.

Bliži uvjeti i način ostvarivanja ovog prava regulisani su Instrukcijom Ministarstva zdravstva, rada i socijalne politike Bihać, broj 09-31-10630-1/20 od 27.08.2020.godine. U skladu sa navedenom Instrukcijom, uz zahtjev za ostvarivanje prava na dječiji dodatak potrebno je priložiti sljedeću dokumentaciju:

1. Kućna lista
2. Potvrda o prijavi prebivališta za roditelje/hranitelja
3. Izvod iz MKR za dijete/djecu
4. Rješenje o utvrđivanju invaliditeta u procentu od 90% ili 100% koje se odnosi na dijete (ovo rješenje isključuje prikupljanje dokumentacije o prihodima porodice)
5. Uvjerenje o redovnom školovanju
6. Rješenje o smještaju djeteta u hraniteljsku porodicu, odnosno uvjerenje da hranitelj-srodnik ne ostvaruje pravo na hraniteljsku naknadu
7. Dokaz o visini prihoda porodice (potvrda poslodavca o radnom odnosu i visini mjesečnih primanja, rješenje o priznavanju određenih prava, dokaz o nezaposlenosti)
8. Potvrda da roditelji nisu ostvarili isto pravo na području drugog grada/općine ili države (ukoliko ima prijavljeno prebivalište izvan mjesta gdje živi dijete i/ili drugi roditelj)
9. Broj transakcijskog računa podnosioca zahtjeva.

Zahtjev za ostvarivanje navedenog prava podnosi roditelj ili hranitelj, a ukoliko su roditelji razvedeni, zahtjev podnosi roditelj kojem je sudskom odlukom dodjeljeno dijete, a istim licima se navedeno pravo i isplaćuje. Pravo teče od prvog dana narednog mjeseca od dana podnošenja zahtjeva.

Za sve dodatne informacije, građani se mogu obratiti u službene prostorije JU Centar za socijalni rad Cazin (kancelarija broj 5).



DIREKTOR CENTRA  
Mr.scr. Amela Toromanović